



**2020/0053(COD)**

5.6.2020

**\*\*\*I**

## **DRÉACHT-TUARASCÁIL**

ar an togra le haghaidh cinneadh ó Pharlaimint na hEorpa agus ón gComhairle lena leasaítear Cinneadh 2003/17/CE ón gComhairle a mhéid a bhaineann le coibhéis

cigireachtaí allamuigh arna ndéanamh san Úcráin ar bharrá táirgthe síolta agus ar choibhéis síolta gránach arna dtáirgeadh san Úcráin  
(COM(2020)0137 – C9-0100/2020 – 2020/0053(COD))

An Coiste um Thalmhaíocht agus um Fhorbairt Tuaithe

Rapóirtéir: Veronika Vrecionová

### ***Siombailí don nós imeachta***

- \* An nós imeachta comhairliúcháin
- \*\*\* Nós imeachta an toilithe
- \*\*\*I An gnáthnós imeachta reachtach (an chéad léamh)
- \*\*\*II An gnáthnós imeachta reachtach (an dara léamh)
- \*\*\*III An gnáthnós imeachta reachtach (an tríú léamh)

(Braitheann an cineál nós imeachta ar an mbunús dlí a mholtar sa dréachtghníomh.)

### ***Leasuithe ar dhréachtghníomh***

#### **Leasuithe ó Pharlaimint na hEorpa arna leagan amach in dhá cholún**

Léirítear téacs atá scriosta le **cló trom iodálach** sa cholún ar chlé. Léirítear téacs atá curtha in ionad téacs eile le **cló trom iodálach** sa dá cholún. Léirítear téacs nua le **cló trom iodálach** sa cholún ar dheis.

Sa chéad líne agus sa dara líne den cheanntásc a ghabhann le gach leasú, sonraítear an chuid ábhartha den dréachtghníomh atá á breithniú. Má bhaineann leasú le gníomh atá cheana ann agus go bhfuil sé i gceist é a leasú le dréachtghníomh, bíonn an tríú líne i gceanntásc an leasaithe ina sonraítear an gníomh atá cheana ann agus bíonn an ceathrú líne ann ina sonraítear an fhoráil den ghníomh sin is mian le Parlaimint na hEorpa a leasú.

#### **Leasuithe ó Pharlaimint na hEorpa i bhfoirm téacs comhdhlúite**

Aibhsítear téacs nua le **cló trom iodálach**. Léirítear téacs atá scriosta trí leas a bhaint as an tsiombail **I** nó cuirtear líne tríd an téacs. Léirítear téacs atá curtha in ionad téacs eile tríd an téacs nua a aibhsíú le **cló trom iodálach** agus tríd an téacs atá á ionadú a scriosadh nó líne a chur tríd. Mar eisceacht air sin, ní aibhsítear athruithe atá go hiomlán teicniúil agus arb athruithe iad a rinne na ranna dréachtaithe nuair a bhí an téacs críochnaitheach á ullmhú.

## CLÁR

### Leathanach

DRÉACHT-RÚN REACHTACH Ó PHARLAIMINT NA hEORPA .....	5
RÁITEAS MÍNIÚCHÁIN .....	6



## DRÉACHT-RÚN REACHTACH Ó PHARLAIMINT NA hEORPA

**ar an togra le haghaidh cinneadh ó Pharlaimint na hEorpa agus ón gComhairle lena leasaítear Cinneadh 2003/17/CE ón gComhairle a mhéid a bhaineann le coibhéis cigireachtaí allamuigh arna ndéanamh san Úcráin ar bharra táirgthe síolta agus ar choibhéis síolta gránach arna dtáirgeadh san Úcráin (COM(2020)0137 – C9-0100/2020 – 2020/0053(COD))**

**(An gnáthnós imeachta reachtach: an chéad léamh)**

*Tá Parlaimint na hEorpa,*

- ag féachaint don togra ón gCoimisiún chuig an bParlaimint agus chuig an gComhairle (COM(2020)0137),
  - ag féachaint d’Airteagal 294(2) agus d’Airteagal 43(2) den Chonradh ar Fheidhmiú an Aontais Eorpaigh, ar dá mbun a thíolaic an Coimisiún an togra do Pharlaimint na hEorpa (C9-0100/2020),
  - ag féachaint d’Airteagal 294(3) den Chonradh ar Fheidhmiú an Aontais Eorpaigh,
  - ag féachaint don tuairim ó Choiste Eacnamaíoch agus Sóisialta na hEorpa an [ ]<sup>1</sup>,
  - ag féachaint do Rial 59 dá Rialacha Nós Imeachta,
  - ag féachaint don tuarascáil ón gCoiste um Thalmhaíocht agus um Fhorbairt Tuaithe (A9-0000/2020),
1. ag glacadh a seasaimh ar an gcéad léamh, lena nglacann sí ceannas ar an togra ón gCoimisiún;
  2. á iarraidh ar an gCoimisiún an t-ábhar a tharchur chuig Parlaimint na hEorpa arís má dhéanann sé téacs eile a chur in ionad a thogra, má dhéanann sé a thogra a leasú go substaintiúil nó má tá sé ar intinn aige a thogra a leasú go substaintiúil;
  3. á threorú dá hUachtarán a seasamh a chur ar aghaidh chuig an gComhairle, chuig an gCoimisiún agus chuig na parlaimintí náisiúnta.

---

<sup>1</sup> IO C , , lch. .

## RÁITEAS MÍNIÚCHÁIN

Molann an Rapóirtéir go nglacfaí an togra seo gan leasuithe mar gheall ar nádúr teicniúil an chomhaid seo. Tá sé mar aidhm leis an togra seo nuashonrú a dhéanamh ar Chinneadh 2003/17/CE ón gComhairle lena ndeonaítear coibhéis do thíortha áirithe nach Ballstáit den Aontas iad a mhéid a bhaineann le cigireachtaí allamuigh agus táirgeadh síl speiceas áirithe a dhéantar le Treoracha 66/401/CEE, 66/402/CEE, 2002/54/CE agus 2002/57/CE. Is é Airteagal 43(2) CFAE an bunús dlí.

Go dtí seo, níl an Úcráin ar liosta na dtíortha a bhaineann tairbhe as an gcoibhéis sin; dá bhrí sin, ní féidir síolta gránach arna saothrú sa tír sin a allmhairiú chuig an Aontas Eorpach faoi láthair. Thíolaic an Úcráin iarraidh don Choimisiún go gcumhdófaí a síol gránach le Cinneadh 2003/17/CE ón gComhairle mar shíol gránach coibhéiseach.

Mar thoradh ar an iarraidh sin, scrúdaigh an Coimisiún reachtaíocht is infheidhme na hÚcráine agus rinne sé iniúchadh ar na cigireachtaí allamuigh agus ar an gcóras deimhniúcháin síolta atá i bhfeidhm le haghaidh síol gránach san Úcráin. Torthaí dearfacha ba ea torthaí foriomlána an scrúdaithe sin. Tá na ceanglais agus an córas atá i bhfeidhm coibhéiseach le ceanglais agus córas an Aontais agus is mar a chéile leis an gcinnteacht a ghabhann le córas an Aontais an chinnteacht a ghabhann leis na ceanglais agus an córas atá i bhfeidhm.

Tá an togra seo i gcomhréir le haidhmeanna an Chomhaontaithe Comhlachais idir an tAontas agus an Úcráin toisc go gcuirfidh sé borradh faoin trádáil sa síol a chomhlíonann rialacha an Aontais.

Mar a mhínítear sa togra ón gCoimisiún, comhlíontar na coinníollacha uile chun coibhéis a thabhairt don Úcráin.